

ibidem dimissa, ab eadem die, quo ad eos qui in Urbe sunt, quo vero ad eos qui citra montes sunt, post viginti dies, quo vero ad eos, qui ultra montes, post duos menses a die publicationis predictae numerandos, omnes, & singulos perinde afficiant, & ardeant, ac si illis ipsis fuissent personaliter intimata. Quodque earum exemplis, etiam impressis, manu Notarii publici, & sigillo alicujus personae in dignitate Ecclesiastica constituta munitis, eadem prorsus fides adhibeatur in iudicio, & extra, quae ipsis presentibus originalibus adhiberetur, si forent exhibite, vel ostense. Nulli ergo omnino, &c. Si quis &c.

Datum Romae apud S. Petrum, Anno Incarnationis Dominicae, millesimo quingentesimo nonagesimo primo, duodecimo Kal. Aprilis, Pontificatus nostri Anno I.

VII.

Cardinali Episcopo Ostien., & Veliterni Decano Sacri Collegii restituitur Gubernium, & temporalis iurisdicatio Civitatum Ostien. & Veliterni. pridem per Sixtum PP.V. ab eisdem Ecclesiis separata.

Vide superius in Appendice Sixti V. ad Constit. XXXVII. Ex varietate fol. 217.

GREGORIUS PAPA XIV.

Ad perpetuam rei memoriam.

Exordium. S I de restituendis, & conservandis Juribus Ecclesiarum ceterorum Episcoporum magna Nobis cura animo insidet, quanto majori studio eam Nos sollicitudinem sustinere oportet, ut earum Ecclesiarum, quae Sacrosanctae Romanae Ecclesiae Cardinalium propriae sunt, Jura ablata restituantur, ac restituta conserventur.

§.1. Cum itaque se: re: Sixtus PP. V. Praedecessor noster, ab Ecclesiis Ostien., & Veliterni. tunc per obitum bon. mem. Alexandri Episcopi Ostien., & Veliterni. Cardinalis Farnesii nuncupati, apud Sedem Apostolicam defuncti Pastoris solatio destitutus gubernium, & omnimodam Jurisdictionem temporalem Civitatum Ostien., & Veliterni., ac hoc ut personis idoneis, & benemeritis per eundem Praedecessorem, & Successores suos Romanos Pontifices in perpetuum simul, vel separatim committerentur, motu proprio, & ex certa sua scientia, ac de Apostolicae potestatis plenitudine dismembraverit, & sepeverit, ac unionem, si quae esset, dissolverit, ac gubernium, & Jurisdictionem hujusmodi, ex tunc perpetuo dismembrata, & separata Camera Apostolicae incorporaverit, & applicaverit, prout in literis dicti Praedecessoris desuper confectis plenius continetur.

§.2. Nos attente prospicientes Cardinales ipsos Romano Pontifici in dirigenda Ecclesia Catholica, cui praestitit Consiliarios, & Coadjutores existere, & in partem Apostolicae sollicitudinis, ab Altissimo vocatos fuisse, ac ipsam Ecclesiam Romanam, cujus

honorabilia membra existunt, suorum honorare plenius magnitudine meritorum, nec alicui dignius, quam Episcopo Ostien. ipsius Sacri Collegii Decano pro tempore existenti, hujusmodi gubernium, & Jurisdictionem temporalem committi posse: quod etiam ipsemet Sixtus Praedecessor noster post dismembrationem factam perspexit, cum statim omnimodam Jurisdictionem, administrationem, & gubernium ipsam temporalem praedictae Civitatis Veliterni. bon. me: Joanni Antonio Episcopo Ostien., & Veliterni. Cardinali S. Georgii sub certis modo, & forma tunc expressis commiserit, ac denique, ex concessione gubernii hujusmodi Civitates, & Dioeceses Ostien., & Veliterni. magnam utilitatem omnino percepturas esse sentientes dictarum literarum tenores, praesentibus pro expressis habentes:

§.3. Motu proprio non ad alicujus super hoc Nobis oblatae petitionis instantiam, sed ex certa nostra scientia, ac de Apostolica potestatis plenitudine, dismembrationem, separationem, dissolutionem, & incorporationem, & applicationem, necnon literas praedictas, ac omnia, & singula in eis contenta Apostolica auctoritate tenore praesentium perpetuo revocamus, cassamus, & annullamus, & irritamus, ac revocata, cassata, & irrita, nulliusque roboris, vel momenti fuisse, & esse, nullique prorsus suffragari posse, seu debere decernimus. Eisdemque Ecclesiis Ostien., & Veliterni, Gubernium, & omnimodam Jurisdictionem temporalem Civitatum Ostien., & Veliterni. praedictarum, cum omnibus, & singulis arcibus, fortalitiis, Palatiis, Hortis, omnibusque aliis juribus, pertinentiis, adiacentiis, & annexis quibuscumque prout Episcopo Ostien., & Veliterni. ante dismembrationem, & unionem dicti Sixti Praedecessoris gaudere, frui, & possidere solebant, ac in pristinum, & in eum, in quo ante praemissa quomodolibet erant, statum restitimus, reponimus, & plenarie reintegramus, itant nunc, & pro tempore existens Decanus, & Episcopus Ostien., & Veliterni. gubernium, & omnimodam Jurisdictionem dictarum Civitatum, cum omnibus suis pristinis honoribus, oneribus, privilegiis, & facultatibus in omnibus, & per omnia gerere, & exercere possit, & debeat, perinde ac si illa, ab eisdem Ecclesiis dismembrata, & separata, ac dictae Camerae incorporata, & applicata nunquam fuissent.

§.4. Mandantes propterea in virtute Sanctae Obedientiae, S. R. E. Camerario, ac dictae Camerae Clericis, Praesidentibus, & quibusvis aliis, ad quos pertinet, ne deinceps in gubernio, & administratione hujusmodi, se quoquo modo intromittere audeant, seu praesumant, sed gubernium, & omnia alia praedicta eidem Decano, & Episcopo Ostien. pro tempore libere, & relaxent, ita quod liceat eidem Decano, & Episcopo Ostien., & Veliterni. moderno, praedictorum gubernii, Jurisdictionis temporalis, & aliorum praemissorum possessionem propria

Reintegratio, de qua in Rubrica.

S. R. E. Camerario, & Clericis Reverendae Camerae in iungitur, ne se ingerant in gubernio Civitatu Ostien. & Veliterni.

Fides transumptorum.

D. P. An. I. die 21. Martii. 1591.

Ex Regest. in Secr. Brev.

Exordium.

Disjunctio, de qua in Rubrica a Sixto Papa V. facta.

Causae facies de reintegracionis.

auctoritate, & vigore praesentium per se, vel alium, seu alios apprehendere, ac retinere, ac gubernium, & jurisdictionem hujusmodi per se, vel alium, seu alios regere, administrare, & gubernare.

§.5. Non obstantibus praemissis, ac quatenus opus sit, nostra de non tollendo Jure quaesito, aliisque Constitutionibus, & Ordinationibus Apostolicis, necnon felicis recordationis Pii PP. IV. etiam Praedecessoris nostri de regitrandis infra certum tempus in ipsa Camera Apostolica quibusvis gratis, illius interesse quomodolibet concernent, ita quod praesentes literae, etiam infra tempus praedictum, aut etiam nunquam in ipsa Camera registratae fuerint, nihilominus perpetuo valeant, nec illis unquam opponi possit. Quibus omnibus eorum tenores, praesentibus pro expressis habentes, hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Petrum sub annulo Piscatoris die 23. Martii 1591. Pontificatus nostri Anno I.

VIII.

Validatio electionis Priorum, aliorumque gestorum in Monasterio Sancti Laurentii el Real ante publicationem literarum Sixti V., quibus illius Monasterii statuta confirmabantur.

GREGORIUS PAPA XIV.

Ad futuram rei memoriam.

§.1. CUM nuper scilicet Sixtus Papa V. Praedecessor noster, charissimi in Christo filii nostri tunc sui Philippi Hispaniarum Regis Catholici supplicationibus inclinatus, ut in celebri Monasterio Sancti Laurentii el Real nuncupat. Ordinis Sancti Hieronymi prope, & extra Muros del Escorial nullius Dioecesis ab ipso Philippo Regia, & magnifica impensa fundato, constructo, & dotato, & illi annexis Collegio, & Abbatia de Parajes electiones Priorum, & aliorum officialium, omni fraude, & ambitione cessante, canonice, & rite celebrarentur, & libri novi officii debite administrarentur, nonnulla Capitula, & ordinationes circa electionem Prioris, ceterorumque officialium praedicti Monasterii, & Abbatiae, ac administratione librorum hujusmodi debite consultata confirmaverit, & approbaverit, ac perpetuae, & inviolabilis Apostolicae firmitatis robur adiecerit, prout in suis desuper in forma Brevis expressis literis sub dat. 4. Septembris 1588. plenius continetur.

§.2. Et sicuti postea idem Philippus Rex Nobis exponi fecit, ante datam, & expeditionem dictarum literarum confirmationis Capitulorum, & Ordinationum hujusmodi in generali Capitulo dicti Ordinis, in quo literae praedictae praesentandae, & ac-

ceptandae, erant Capitulorum, & ordinationum hujusmodi substantia ex parte Regis praedicti praesentata extitit, & juxta illius continentiam, ad electiones Prioris, & aliorum Officialium, & forsitan alia processum extitit; & quoniam data earundem literarum subsequeretur, idem Rex Nobis supplicari fecit, quatenus omnes, & singulas electiones, aliaque acta Capitularia juxta earundem tamen literarum formam facta, & inde sequuta quaecumque Apostolica auctoritate confirmare, & approbare, aliasque desuper opportune providere de benignitate Apostolica dignemur.

§.3. Nos igitur praemissis attentis, ac ejusdem Regis supplicationibus inclinatis, literarumque praedictarum tenores, praesentibus pro plene, & sufficienter expressis habentes, quascumque electiones, & acta, ut praesertim facta, approbamus, & confirmamus, illiusque perpetuae, & inviolabilis firmitatis robur adjuicimus, omnesque, & singulos tam juris, quam facti defectus supplemus, perinde ac si literae praedictae de data anteriori generalis Capituli praedicti confectae in eodem generali Capitulo praesentatae, & acceptatae fuissent, illaque praesentis scripti patrocinio communimus, nec non eis perpetuae, & inviolabilis firmitatis robur adjuicimus: ac praemissa omnia, & singula perpetuo firmiter, & inviolabiliter observari debere volumus, & mandamus.

§.4. Sicque per quoscumque Judices ordinarios, & delegatos, & Palatii Apostolici Auditores, & S. R. E. Cardinales, sub lata eis, & eorum cuilibet quavis aliter judicandi, & interpretandi facultate, & auctoritate, judicari, & diffiniri debere decernimus, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§.5. Quocirca Venerabili fratri Episcopo Segobien., & dilectis filiis Caularum, Curiae Camerae Apostolicae generali Auditori, & Archidiacono Ecclesiae Toletan. per Apostolica scripta mandamus, quatenus ipsi, vel duo, aut unus eorum per se, vel alium, seu alios ubi, & quando opus fuerit, & quoties pro parte alicujus Religiosi dicti Ordinis fuerint requisiti, praesentes literas, & in eis contenta quaecumque solemniter publicantes, faciant eos, & quos illa concernunt, pacifice frui, & gaudere, nec permittant quidquam contra praemissa per quoscumque attentari: Contradictores quoslibet, & Rebelles per censuras, & poenas Ecclesiasticas appellatione postposita compescendo, invocato etiam ad hoc, si opus fuerit, auxilio brachii saecularis.

§.6. Non obstantibus praemissis, ac Constitutionibus, & Ordinationibus Apostolicis, ceterisque contrariis quibuscumque. Datum Romae apud S. Petrum sub Annulo Piscatoris die 3. Aprilis 1591. Pontificatus nostri Anno I.

Derogatio egestationum.

Dat. die 21. Martii 1591. An. I.

Ex Regest. in Secr. Brev.

Sixtus V. Monasterii del Escorial a Philippo II. erectionem, statutaque confirmavit.

Cum vero Priorum electiones factae fuerint ante publicationem literarum Sixti V.

Validari petitionem Rex.

Validat Pontifex una cum adis inde sequitis.

Clause pro ejusdem validationis firmitate.

Executores deputat.

Obstantia tollit.

Dat. die 3. Aprilis 1591. An. I.

IX.

Ex Regest. in Secret. Brev.

Facultates nonnullæ Cappellano Majori Regiæ Cappellæ Regis Hispaniarum, circa Sacramentorum administrationem, & munia Parochialia.

GREGORIUS PAPA XIV.

Ad futuram rei memoriam.

Pius V. Cappellano majori Aule Regiæ Hispaniarum ordinariæ jurisdictionem super omnes ejusdem Aule famulantes attribuit.

§.1. CUM dudum sal. rec. Pius Papa V. Prædecessor noster supplicationibus charissimi in Christo filii nostri, tunc sui Philippi Hispaniarum Regis Catholici ea in parte inclinatus, tunc, & pro tempore existenti Archiepiscopo Compostellan. tanquam Cappellæ dicti Philippi Regis Cappellano majori, quamdiu, & quoties, in curia ipsius Philippi Regis personaliter resideret, & eo a dicta Curia absente, seu in illa non residente personæ in Presbyteratus ordine constitutæ per ipsum Philippum Regem constitutæ, quoties sibi visum foret, nominandæ per suum Ordinarium approbandæ, quæ durante absentia dicti Archiepiscopi a dicta Curia in quibusvis Civitatibus, Oppidis, & locis, in quibus dictum Philippum Regem, ejusque Curiam regiam pro tempore residere contingeret, curam animarum familiæ ejusdem Philippi Regis, ac omnium, & singularum personarum, tam in Regnis Hispaniarum, & dominiis originem trahentium, quam extraneorum ex quibusvis Orbis partibus ad ipsam Curiam confluentium cujuscumque qualitatis, status, gradus, ordinis, vel conditionis, ac præminentie forent, Archiepiscopis tamen, & Episcopis exceptis, exercere, eosque visitare, corrigere, ac omnimodam jurisdictionem Ordinariam, omninque, & singula alia, quæ Archiepiscopi, & Episcopi, ac aliorum ordinarij in Diocesi. suis de jure, vel consuetudine, aut alias quomodolibet facere, & exercere consueverant, citra tamen exercitium Pontificalium, & Ordinum, & Beneficiorum collationem, exercere libere, & licite valeret, Apostolica auctoritate concesserit, & indulserit, prout in literis d. Prædecessoris desuper die septima Junii Pontificatus sui Anno IV. sub Annulo consecratis plenius continetur.

Gregorius d. Cappellano facultatē concedit ecclesiæ sibi eligendi pro Parochialium munium administratione dicitur militatibus.

§.2. Et Nobis nuper pro parte dicti Philippi Regis nonnulla, quæ majorem dictarum literarum expressionem, requirunt exhibita fuerunt. Nos dictarum literarum tenores, perinde ac si de verbo ad verbum infererentur, presentibus pro expressis habentes, supplicationibus dicti Philippi Regis hac in parte inclinati, de consilio Venerabilium fratrum nostrorum S. R. E. Cardinalium decretis Concilii Tridentini interpretandis præpositorum, quibus hoc negotium mature videndum, & discutendum, ac Nobis referendum commissimus, ad majorem dictarum literarum expressionem, seu declarationem harum serie concedi-

mus, seu dictis literis adjungimus, quod dictus Cappellanus major, seu persona ab eo ad animarum curam pro tempore deputata, cui Sacramentorum Confectionis, Eucharistiæ, Extremæ Unctionis, & Matrimonij exercitium, & administratio incumbit, quique Ecclesiam certam, in qua dicta Sacramenta administret, non habet, possit eligere Parochialem Ecclesiam viciniorum Palatio, ubi eundem Philippum Regem pro tempore morari contigerit, & si fuerint duæ Parochiales Ecclesiæ æque vicinæ dicto Palatio, tunc eligat quam voluerit, in quam prædictus Cappellanus major, seu persona hujusmodi libere ingredi, & ex inde Sacramenta prædicta accipere, & sibi subditis exercere, & ad infirmos Curia dicti Philippi Regis deferre, & monitiones matrimoniales suorum subditorum juxta decreta dicti Concilii publicari facere, eoque matrimonio jungere, ac per se, aut alios ministros suosuam Jurisdictionem ordinariam exercere sine præjudicio Jurium Parochi.

§.3. Præterea, quod ipse Cappellanus major tenere valeat ministros, & Officiales necessarios ad exercendam Apostolica auctoritate omnimodam Jurisdictionem, tam curæ Palatii, quam uti Judex Cappellæ hujusmodi, & aliorum, qui ab eo, & ejus mandato nominati exercent eorum officia, & Jurisdictionem suam, tam in causis semiclericorum, Cappellanorum servientium Oratorio Cappellæ, Cantorum, & Ministrorum ejusdem Cappellæ quarumcumque nationum eidem Regi servientium, ac personarum Regalium, & Regiæ proles, in illos tantum, qui vere sunt Curiales.

§.4. Ad hæc dictus Cappellanus major per se, aut ministros suos nominare Confectores regulares de licentia suorum Superiorum, aut seculares pro cura animarum dicti Palatii, & examinare, seu examinare facere Cappellanos, & Clericos servientes dicto Philippo Regi; & Domui Regali in dicta Cappella, & Oratorio, ad celebrandas Missas, & Confectiones audiendas, ac verbum Dei prædicandum, & eis id faciendi licentiam, & facultatem dare.

§.5. Nec non convocare Prædicatores regulares, aut seculares in dicta Curia, vel extra eam ad prædicandum verbum Dei in Cappella Regia, & Domo, ubi erit ipse Philippus Rex, & Curia sua, itaut nullus ordinarius loci, in quo dicta Curia, seu ipse Philippus Rex, aut Domus erit, sive eundo, sive stando, sive etiam recreationis causa prædicationem verbi Dei impedire possit.

§.6. Postremo si eidem Cappellano majori videbitur, considerata decencia, & necessitate, Sanctissimum Eucharistiæ Sacramentum, & Extremam Unctionem in Cappella Regia, ut ad infirmos, & infirmas in dicto Palatio existentes commodius deferatur, & multis incommodis, quæ alias nasci possent, obviatur, reponere libere, & licite, & absqullo conscientie serupulo, aut censurarum Ecclesiasticarum incurso valeat.

§.7. Non

Subdelegandi alii propria auctoritate.

Confectores pro Regis aula deputandi.

Prædicatores pro Regia Cappella designandi.

Ac Eucharistiæ Sacramentum ibidem detinendi.

Derogatur contrariis.

§.7. Non obstantibus quibusvis Constitutionibus, & Ordinationibus Apostolicis, ac omnibus illis, quæ dictus Prædecessor in literis prædictis voluit non obtinere, ceterisque contrariis quibuscumque.

Dat. die 3. Aprilis 1591. An.I.

Datum Romæ apud S. Petrum sub Annulo Piscatoris die 3. Aprilis 1591. Pontificatus nostri Anno I.

X.

Ex Regest. in Secret. Brev.

Diversæ ordinationes circa Indos Insularum Philippinarum ad Christianam fidem conversos.

GREGORIUS PAPA XIV.

Ad perpetuam rei memoriam.

Qui damnâ Indus intulerant ante ipsorum conversionem, ea sequuta dicta damna reparare cupiebant.

§.1. CUM sicuti nuper accepimus in prima conversione Indorum insularum Philippinarum tanta vitæ pericula propter ipsorum Indorum ferocitatem, adeunda fuerint, ut multi contra ipsos Indos arma sumere, & in bonis damna dare coacti extiterint, ipsique Indi postea relicti falsis Deorum cultibus, & verum Deum agnoscere fidem Catholicam amplexi sint, & qui hæc damna in bonis ipsorum Indorum dederunt, cupiant bona ablata hujusmodi restituere, licet id faciendi facultatem non habeant.

Gregorius episcopo Manilan. committit, ut incutiat hæc licet. re. situationi &c.

§.2. Nos serenitati conscientiarum distarum personarum consulere, & periculis, ac incommodis hujusmodi obviare cupientes, Venerabili Fratri Episcopo Manilan. præfentes committimus, & mandamus, quatenus auctoritate nostra curet, ut prædicta persona, & Domini, quibus faciendæ est restitutio, inter se desuper componant, ipsique Dominis, si certi fuerint satisfiant: ubi vero certi Domini non extiterint, eadem compositio per eundem Episcopum fiat in utilitatem, & subventionem pauperum Indorum, si illi, qui restituere tenentur, id commodè facere poterint, si vero pauperes fuerint, satisfaciant, cum ad meliorem conditionem, seu fortunam pervenerint pinguiorum.

Statuta ab eodem Episcopo facta, vel faciendæ servari præcipit.

§.3. Et ne Constitutiones, & determinationes a dicto Episcopo, & Religiosis, ac Doctoribus insimul Congregatis, ad felicem progressum Christianorum noviter ad fidem conversorum factæ, ab illis pro suo libito, & re, vel affectu particulari infringantur: Volumus, & Apostolica auctoritate decernimus, ut quæ ab ipsa Congregatione per suffragia majoris partis in favorem fidei Christianæ, vel salutem animarum pro bono ipsorum Indorum conversorum regimine ordinata, & mandata fuerint, firmiter, ac inviolabiliter observentur, donec, & quousque ab eadem Congregatione aliter ordinatum, vel mandatum fuerit.

Admittit omnibus facultatem absolventi a casibus, quos ipse Episcopus sibi reservavit.

§.4. Quodque si quando idem Episcopus de Consilio dictæ Congregationis aliquem casum sibi reservaverit, prout pro tempore, personarum, & rerum qualitate ex Bull. Rom. Tom. V. Par. I.

pediens visum fuerit, nullus Presbyter secularis, vel cujusvis ordinis, aut Congregationis Regularis pretextu cujusvis privilegii, & Indulti, etiam Apostolici præter ipsum Episcopum, vel de ejus licentia, & expresso mandato, a casibus hujusmodi reservatis, durante dicta reservatione, absolvere ullo modo possit, audeat, aut præsumat, sub poena suspensionis a Ministerio Altaris, & a fidelium confessionibus audiendis ipso facto incurrenda.

§.5. Præterea cum præcipuum munus Episcoporum sit, proprias oves per se ipsos pascere, & visitare, eidem Episcopo, ut per se ipsum, vel per ejus Vicarium in Spiritibus Generalem, aut saltem per alias valde graves personas, non autem per simplices Clericos inexpertos, & literarum ignaros, & nullius existimationis commissum sibi gregem, ac Religiosos doctrinæ Christianæ, easdemque doctrinas visitet, injungimus, & mandamus.

§.6. Et quia nonnulli earundem Insularum, & ordinum prædictorum rerum novarum curiosi de una ad aliam partem vagantes, aut transcentes nuper conversos, & Baptizatos deserant, ac propterea sunt in causa, ut interdum, quod maxime dolendum est, ii ad Idololatriam facile revertantur, & quod multi alii, qui alias ad fidei agnitionem venirent, & accederent ad Baptismum, ob defectum Ministrorum id negligant, aut in Infidelitate permaneant: & contra ipsi Religiosi etiam Idiomatis illarum partium ignari, in dedecus suorum ordinum contemnunt, ac debitos fructus suæ prædicationis in Vineâ Domini non producant, difficioremque Indorum conversionem reddant. Nos huic malo opportunum remedium adhibere cupientes, omnibus, & singulis cujusvis Ordinis Religiosis, ac aliis quibuscumque circa Infidelium conversionem, & doctrinæ Christianæ eruditionem incumbenibus sub excommunicationis poena, ne de pacifica ad non pacificam Terram accedere audeant, aut præsumant, nisi de ejusdem Episcopi, & Prælatorum Religionum expressa licentia, & mandato in scriptis obtenta districtè interdiciamus, atque prohibemus.

§.7. Postremo, cum sicut accepimus, charissimus in Christo filius noster Philippus Hispaniarum Rex Catholicus prohibuerit, quod nullus Hispanus in prædictis Insulis Philippinis Mancipia, sive servos, etiam Jure belli justis, & injustis, aut emptionis, vel quovis alio titulo, vel pretextu propter multas fraudes inibi committi solitas facere, vel habere, seu retinere audeant, & nonnulli adhuc eadem Mancipia, apud se contra ipsius Philippi Regis edictum, vel mandatum detineant. Nos, ut ipsi Indii ad doctrinas Christianas, & ad proprias ædes, & bona sua libere, & secure absque ullo servitutis metu ire, & redire valeat, ut rationi congruit, & æquitati: omnibus, & singulis cujuscumque Status, gradus, conditionis, ordinis, & dignitatis existant, in eisdem Insulis existentibus personis, in virtute Sanctæ

Eidem Episcopo injungitur Visitatione Diocesis per personas ad id idoneas.

Jubet, ne quis ab Insula pacifica ad non pacificam transeat sine licentia Episcopi, vel suorum Superiorum.

Prohibitio, ne quis Indos habeat tanquam Mancipia.

obedientia, & sub excommunicationis pena precipimus, & mandamus, quatenus publicatis presentibus, quacumque mancipia, & servos Indos, si quos habent, seu apud se detinent, ac omni dolo, & fraude cessante, liberos omnino dimittant, & impofterum, nec captivos, nec servos ullo modo faciant, aut retineant, juxta dicti Philippi Regis edictum, seu mandatum.

Fides transumptis hujus Constitutionis data.

§.8. Ceterum quia difficile foret praesentes literas, ad singulas praedictas Insulas, & ad alia quaecumque loca, ubi opus esset deferri, volumus, ut eorum transumptis, etiam impressis manu Notarii publici subscriptis, & sigillo alicujus personae in dignitate Ecclesiastica constituta ob signatis eadem prorsus fides habeatur in iudicio, & extra illud ubique Gentium, & locorum, quae eisdem presentibus haberetur, si essent exhibitae, vel ostense.

Dar, die 18. Aprilis 1591. An.I.

Datum Romae apud S. Petrum sub Anulo Piscatoris die 18. Aprilis 1591. Pontificatus nostri An.I.

XI.

Confirmatio exemptionis Fratrum Militum Sancti Joannis Hierosolymitani, eorumque Familiarium, &c. a solutione decimarum, & aliorum onerum. Et extensio facultatis M. Magistri, & Conventus, quoad dispositionem beneficiorum. Ac praeservatio Ordinariorum, quoad personarum curam animarum habentes.

Hanc exemptionem, & praeservationem firmavit primo loco Pius V. in sua Const. CIV. Et si cuncta. Tom. IV. Par. 3. fol. 49.

GREGORIUS PAPA XIV.

Ad futuram rei memoriam.

Procerum

Quanta Christianae Reipublicae commoda, atque ornamenta, omni tempore attulerit Hospitalis S. Joannis Hierosolymitani amplissimus Ordo, insignia, quae assidue praestitit pietatis, & charitatis officia, tam late testantur, summo ardentique studio, vel initio nascentis Ecclesiae in Civitate Sancta Hierusalem, in qua Christi pedes steterunt, & ubi Deus Rex noster ante saecula salutem in medio terrae dignatus est operari, complexa, & usque modo, prout tempora tulerunt, variis in locis continuata, quae nunc potissimum elucent eo in Hospitali, quod in Insula Melitae B. Pauli Apostoli, cuius in tutela est, multis celebrata miraculis, ab eo ordine constitutum fuit, in quo ejusdem Pauli auctoritate permoti ejus Hospitalis curam gerentes re ipsa comprobant, iactis fidei, & spei fundamentis, inter praecipuas virtutes, quae Theologicae dicuntur, charitatem principem obtinere locum: neque his piis actionibus, quas iidem assiduis officiis, & hospitalitatis studiis in proximis exercent plane secundae, aut postremae sunt res ab eis ad divini nominis gloriam, &

exaltationem praclare gesta, quarum longe lateque fama pervagatur. Dum tamquam veri Christi athletae Machabaeorum amulati morem, assumpta galea salutis adversus Christiani nominis hostes, & praesertim impios Mahometis sectatores arma sumunt, fortiterque dimicant. Nos igitur Religionem floridam paternis contemplantes affectibus, ea quae eis pro eorum profpero statu, commodo, & quiete per Romanos Pontifices prudenter concessa reperimus, ut illibata firmaque perpetuo subsistant; libenter approbationis nostrae munimine roboramus.

§.1. Cum itaque, sicut accepimus, licet alias fel. rec. Leo X. Clemens VII. Paulus III. Pius IV., & Pius V. Gregorius XIII. & Sixtus V. Romani Pontifices Praedecessores nostri, inter alia privilegia, & indulta dilectis filiis Magistro, & Conventui Hospitalis S. Joannis Hierosolymitani a Sede Apostolica concessa, eundem, & pro tempore existentem Magistrum, Bajulivos, Castellanium Empostae, Priores, Praeceptores, Milites, Familiares, aliasque personas Hospitalis hujusmodi: necnon eorum Subditos, Vassallos, Colonos, & Servitores, & alios in eorum obsequiis, & dicti Hospitalis beneficiis quomodolibet nuncupatis existen., etiam Presbyteros curam animarum exercentes, quamdiu illam exercerent, & in illorum obsequiis forent, illorumque animalia, praedia, domos, molendina, & bona quaecumque, quae obtinebant, ac in posterum obtinerent, & possiderent, a solutione, & exactioe decimarum, censuum, jurium, etiam Synodali, & Canoniarum portionum, seu charitativi subsidii, aut iucundi adventus, seu quartae, aut alias quomodolibet, aut aliorum quorumcumque onerum, sub certis modo, & forma, exemerint, & liberaverint, prout in diversis ipsorum Praedecessorum desuper confectis literis plenius continetur.

Exemptio a solutione Decimarum, aliorumque onerum a nonnullis Pontificibus concessa

§.2. Et licet ipsi Milites, & aliae personae praefatae, non debuissent neque deberent, a quoquam contra dictorum privilegiorum tenorem, & formam molestari, perturbari, vel inquietari, cum ipsi non modo eorum facultatibus, & fortunis, verum etiam sanguini, & vitae pro tuitione fidei Catholicae non parcant; nihilominus diversi locorum Ordinarii, & Parochiales Ecclesiarum Rectores, & multae Capitulares personae id sibi omnino juxta Sacri Concilii Tridentini decreta licere asserentes, eosdem Magistrum, Bajulivos, Castellanium Empostae, Priores, Praeceptores, Milites, & personas, diversis oneribus contra eorum privilegia praegravare, illosque ad decimas, census, subsidia, etiam caritativa, congruas portiones, iucundum adventum, pastor bonus, aut alias nuncupata onera, etiam jura synodalia cogere praesumant, in grave ipsius Hospitalis detrimentum, & gravamen.

Ordinariorum molestiae super praedicta exemptione.

§.3. Nos igitur attendentes, Hospitalis praefati multa esse in fidem Catholicam, & Sedem Apostolicam merita, Nobis, & Venerabilibus Fratribus nostris S. R. E. Cardinalibus non incognita, Cardinalem Magnum

Eam Gregorius confirmat modo, quo infra.

Ma.

Magistrum, Bajulivos, Castellanium Empostae, Praeceptores, Milites, Fratres, Familiares, & eorum singulos, ac singulares dicti Hospitalis personas, a quibusvis excommunicationis, suspensionis, & interdicti, aliisque Ecclesiasticis sententis, censuris, & poenis, a jure, vel ab homine quavis occasione, vel causa latis, si quibus quomodolibet innodati existunt, ad effectum praesentium dumtaxat consequendum harum, serie absolventes, & absolutos fore censentes, necnon omnium, & singulorum privilegiorum, indultorum, facultatum, exemptionum, immunitatum, libertatum, & gratiarum per praefatos, & alios quoscumque Romanos Pontifices Praedecessores nostros, ac Sedem Apostolicam Hospitali, illiusque Magistro, Conventui, & Fratribus, Militibus, aliisque personis praefatis hactenus concessorum, ac literarum desuper confectarum tenores praesentibus pro expressis habentes. Motu proprio, non ad Cardinalis Magni Magistri, & Conventus Hospitalis hujusmodi, aut alicujus alterius super hoc pro eis Nobis oblatae petitionis instantiam, sed ex certa scientia, & de mera nostra liberalitate, ac Apostolica potestatis plenitudine, omnia, & singula privilegia, indulta, facultates, exemptiones, immunitates, libertates, & alias gratias eidem Magistro, & Conventui quomodolibet concessa, Apostolica auctoritate tenore praesentium confirmamus, approbamus, illisque perpetuae, & inviolabilis firmitatis robur adjicimus, ac omnes, & singulos, tam juris, quam facti defectus, si qui forsitan intervenerint in eisdem supplemus.

Pii IV. concessio unien di, & dismembrandi beneficia.

§.4. Cum autem fel. rec. Pius Papa IV. Praedecessor noster, eidem Magistro, & Conventui inter caetera privilegia, Prioratus, Bajulivatus, Castellanium Empostae, Commendas, ac alia ejusdem Hospitalis beneficia, libere unien di, & dismembrandi facultatem concesserit. Et nihilominus a quibusdam quandoque dubitatum fuerit, an ante, vel post mortem possessorum, unio, seu dismembratio ipsa fieri posset, ac deberet.

Gregorius Pii Constitutio nem exte die.

§.5. Nos ad tollendum omne dubium, & ambiguitatem, quae in praemissis in futurum oriri posset, ut quaecumque eis videbitur, sive ante, sive post mortem possessorum, Prioratus, Bajulivatus, Castellanium Empostae, ac alia ejusdem Ordinis beneficia unire, & dismembrare, libere, & licite possint, & valeant. Necnon omnia & singula privilegia, & exemptiones praefatas etiam ad Confratres, & Donatos ejusdem Hospitalis extendi debere, auctoritate praefata decernimus, & declaramus.

Clause praeservative.

§.6. Decernentes, praesentes literas nullo umquam tempore, de subreptionis, vel obreptionis vicio, aut intentionis nostrae, vel quopiam alio defectu, etiam ex eo, quod locorum Ordinarii vocati non fuerint, notari, impugnari, vel invalidari minime posse, minisque sub quibuscumque similibus, vel dissimilibus gratiarum, revocationibus, limitationibus, restrictionibus, & derogationibus comprehendi posse, sed

semper ab illis exceptas, & quoties illae emanabunt, toties in pristinum statum restitutas, repositas, & plenarie reintegratas esse.

Injuncta Tribunalibus ob servantia.

§.7. Sicque ab omnibus censerit, & ita per quoscumque Judices, & Commissarios, quavis auctoritate fungentes, etiam causarum Palatii Apostolici Auditores, ac S. R. E. Cardinales, sublata eis, & eorum cuilibet, quavis aliter judicandi, & interpretandi facultate, & auctoritate judicari, & desiniri debere, ac irritum, & inane, si secus super his a quoquam, quavis auctoritate, scienter, vel ignoranter, contigerit attentari.

Executores hujus Constitutionis.

§.8. Quocirca dilectis filiis in Regnis Hispaniarum, & Neapolitani, nostris, & Sedis Apostolicae pro tempore existentibus Nunciis, aut Curiae causarum Camerae Apostolicae generali Auditori, per praesentes Motu simili mandamus, quatenus ipsi, vel duo, aut unus eorum, per se, vel alium, seu alios, praesentes literas, & in eis contenta quaecumque, ubi, & quando opus fuerit, ac quoties pro parte eorumdem Cardinalis Magni Magistri, & Conventus fuerint requisiti, solemniter publicantes, eisque in praemissis efficacis defensionis praedio assistentes, faciant auctoritate nostra eosdem Magistrum, & Conventum, confirmatione, approbatione, adjectione, supplementatione, decreto, & aliis praemissis pacifice uti, frui, & gaudere. Non permitten tes eos per Ordinarios praedictos, aut quoscumque alios, contra praesentium tenorem quomodolibet molestari, perturbari, aut inquietari; contradicentes quoslibet, & rebelles, per sententias, censuras, & poenas Ecclesiasticas appellatione postposita compescendo, ac legitimis super his habendis servatis processibus, sententias, censuras, & poenas hujusmodi incurrisse declaram. Illasque etiam iteratis vicibus aggravari, interdictionemque Ecclesiasticam apponen. invocato etiam ad hoc, si opus fuerit, auxilio brachii saecularis.

Clause derogatorie.

§.9. Non obstantibus pia memoriae Bonifacii Papae Octavi Praedecessoris nostri de una, & Concilii generalis de duabus dietis, dummodo ultra tres dietas aliquis auctoritate praesentium ad iudicium non extrahatur, ac aliis quibusvis Apostolicis, necnon in Provincialibus, & Synodalibus Conciliis editis, specialibus, vel generalibus Constitutionibus, & Ordinationibus, necnon juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & literis Apostolicis, quibusvis personis, etiam praefatis locorum Ordinariis, sub quibuscumque tenoribus, & formis, ac cum quibusvis etiam derogationum derogatoriis, aliisque efficacioribus, & insolitis clausulis, irritantibus, & aliis decretis, etiam motu, & scientia similibus, etiam Consistorialibus, de fratrum nostrorum, consilio in contrarium quomodolibet concessis, confirmatis, approbatis, & innovatis. Quibus omnibus, etiam si de illis, eorumque totis tenoribus specialis, specifica, ex-

expressa, & individua mentio, seu quævis alia expressio habenda, aut aliqua alia forma ad hoc servanda foret, illorum tenores acsi de verbo ad verbum inserti forent, præsentibus pro sufficienter expressis, & insertis habentes, illis alias in suo robore permanentibus, hac vice dumtaxat specialiter, & expresse derogamus, cæterisque contrariis quibuscumque. Aut si aliquibus communiter, vel divisim, ab eadem sit Sede indultum, quod interdicti, suspendi, vel excommunicari non possint per literas Apostolicas, non facientes plenam, & expressam, ac de verbo ad verbum de indulto hujusmodi mentionem.

Præservatio
Cõstitutionis
Pii V. Gre-
gorii XIII. &
Concillii Tri-
dentini.

§.10. Volumus autem quod fel. record. Pii Quinti 22. Septembris, anno sexto, ac Gregorii Decimertii Prædecessorum nostrorum literis sub Annulo Piscatoris 25. Novembris, Anno IX. Pontificatum suorum expeditis, in suo robore, & efficacia permanentibus, præsentibus literis non comprehendant, neque Ecclesias neque personas, in his quæ ad curam animarum pertinent, in quibus decreta Concilii Tridentini hujusmodi omnino servari debeant.

Transumptio-
rum fides.

§.11. Declarantes insuper, ac præcipientes, quod præsentium literarum transumptis, manu alicujus Notarii publici subscriptis, & sigillo personæ in dignitate Ecclesiastica constitutæ munitis, in judicio, & extra illud ubique locorum plena, & indubitata, eademque prorsus fides adhibeatur, quæ ipsis præsentibus adhiberetur, si forent exhibitæ, vel ostensæ.

D. P. An. I.
30. Apr. 1591.

Datum Romæ apud S. Petrum sub Annulo Piscatoris, die ultima Aprilis 1591., Pontificatus nostri Anno I.

XII.

Ex Regest. in
decr. & revo.

Privilegium a Pio PP. V. concessum Civibus Veliternensibus, ut causa omnes tam civiles, quam criminales in prima, & secunda instantiis cognoscantur in ipsa Civitate, in tertia vero instantia in Curia, confirmatur, & extenditur ad Cives Ostienses.

GREGORIUS PAPA XIV.

Ad perpetuam rei memoriam.

Procurator.

Decet Romanum Pontificem votis illis, præsertim S.R.E. Cardinalium gratum præstare assensum, per quæ singulorum Christianissimum, præsertim sibi, & Sedi Apostolicæ immediate subditorum commoditatibus consulatur, & illa, quæ jam alias ab ipsa Sede propterea emanarunt, ut firmiora inde, & illibata persistant, de novo approbare, prout conspicit in Domino salubriter expedire.

Pius Papa V.
justit. ut cu-
se tam civi-
les, quam cri-
minales Civi-
tatis Velle-

§.1. Exponi sane Nobis nuper fecit Venerabilis frater noster Alphonfus Episcopus Ostien., & Veliternen. Cardinalis Gesualdus nuncupatus, quod alias per fel. record. Pium PP. V. Prædecessorem nostrum ac-

cepto, quod licet similis record. Paulus II. & Paulus IV. Rom. Pontifices nostri etiam tunc sui Prædecessores ex certis tunc expressis causis pro tempore existentibus Ostien., & Veliternen. Episcopus dilectorum filiorum Incolarum Civitatis Velletran., tam civiles, quam criminales in prima, & secunda in eadem Civitate Velletran., in tertia vero instantiis in Curia cognoscendi facultatem concessissent, idque per multum tempus observatum fuisset: Nihilominus bo: me: Franciscus Ostien., & Velletran. Episcopus in Curia sua id observare temporibus suis neglexerat in grave dilectorum filiorum Populi Velletran. gravamen, & detrimentum: idem Pius V. Prædecessor bo: me: Joannis Episcopi Ostien., & Velletran. Cardinalis Moroni nuncupati supplicationibus inclinatus, singulas concessiones prædictas, ac desuper confectas literas, & inde sequuta quæcumque Apostolica auctoritate confirmavit, & approbavit, illisque perpetuæ, & inviolabilis firmitatis robur adjecit, supplens omnes, & singulos, tam juris, quam facti defectus, si qui forsitan intervenissent in eisdem. Et nihilominus pro potiori cautela eidem Joanni Episcopo, & Cardinali, ut tam ipse, quam ejus Successores Episcopi Velletran. qui pro tempore forent, omnes causas civiles, & criminales, quæ in Civitate, & Dioecesi Velletran. pro tempore orirentur, per se, aut ad id ab eo deputatos in prima, & secunda in dicta Civitate Velletran., in tertia vero instantiis in Curia, non tamen in atrocioribus cognoscere, libere, & licite possent, concessit, districtius inhibens quibusvis tam Secularibus, quam Ecclesiasticis Judicibus etiam Curia Causarum Camera Apostolicæ generali Auditori, & aliis, tam in Alma Urbe nostra tunc sua, quam alibi existentibus, & quavis auctoritate fungentibus in virtute sanctæ obedientiæ, & sub excommunicationis, aliisque arbitrio suo moderandis, & infligendis pœnis, ne in causis prædictis ullo modo se intromittere, aut aliter judicantes molestare auderent, vel præsumerent.

tran., in di-
ma, & secun-
da instantia in
ipsa Civitate,
in tertia vero
instantia in
Curia cognos-
centur.

Justit. etiam
ne ibi exequa-
tiones fierent
sine licentia
Episcopi O-
stienis.

§.2. Ac insuper, quoniam sæpe contingebat, graves expensas partes litigantes subire oportere, dum contra eos ad executionem procedebatur, adeo ut maximum præsertim miserabilibus personis exinde detrimentum oriretur, & quandoque expensæ hujusmodi principale debitum superarent, quod, ut eatenus bo: me: Rodulphi Episcopi Ostien. Cardinalis Carpenfis nuncupati, ac dicti Francisci Episcopi, & Cardinalis temporibus fuerat observatum, deinceps ad aliquam executionem devenire, nisi prius habita notitia per eundem Joannem Episcopum, & Cardinalem, ac de ejus licentia nullatenus valeret. Decernens literas tunc desuper confectas ullo unquam tempore de subreptionis, vel obreptionis vitio, aut intentionis suæ, vel quovis alio defectu, etiam ex eo quod partes, & dicta Camera Apostolicæ Auditor vocati ad præmissa non fuissent, notari, impugnari, invalidari ad-

terminos juris reduci, in jus, vel controversiam vocari, ac sub quibusvis similibus, vel dissimilibus gratiarum, revocationibus, suspensionibus, limitationibus, & aliis contrariis dispositionibus comprehendendi nullatenus posse, sed semper ab illis exceptas, & quoties illa emanarent, toties in pristinum statum restitutas, repositas, & plenarie re-integratas esse, sicque ab omnibus censeri, & ita per quoscumque Judices, etiam Commissarios, etiam ipsosinet Camerales, & S.R.E. Cardinales sublata eis, & eorum cuilibet quavis aliter judicandi, & interpretandi facultate, & auctoritate judicari, & definiti debere, irritum quoque, & inane, si secus super his a quoquam quavis auctoritate scienter, vel ignoranter contigerit attentari.

Hujusmodi
statuta con-
ferat Gre-
gorius.

§.3. Cum autem illa, quæ a dicta Sede sæpius corroborantur firmius subsistant, & melius observentur. Idcirco Nos singulorum concessionum prædictarum, ac desuper confectarum literarum, ac inde sequutorum quorumcumque tenores, præsentibus pro expressis habentes, prædicti Alphonfi Episcopi Cardinalis supplicationibus inclinati, singulas concessiones, ac desuper confectas literas prædictas, ac inde sequuta quæcumque Apostolica auctoritate tenore præsentium perpetuo approbamus, & confirmamus, illisque perpetuæ, & inviolabilis Apostolicæ firmitatis robur adjicimus, suppletes omnes, & singulos, tam juris, quam facti defectus, si qui in eisdem intervenierint.

Et extendit
ad Cives O-
stien.

§.4. Et nihilominus pro potiori cautela eadem præmissa omnia, prout concessa sunt, & permilla per præsentibus innovamus. ac de novo prædicto Alphonso Cardinali ejusque successoribus Velletran. Episcopis concedimus, & ad utramque Ecclesiam Ostien., & Velletran., earumque Civitates, & Dioeceses, Incolas, & subditos similiter perpetuo extendimus.

Clausula ad
præsentis Cõ-
stitutionis in-
tentionem.

§.5. Decernentes eadem præmissa, & alia in prædictis literis contenta, præsentibus nostras literas per quoscumque inviolabiliter perpetuis futuris temporibus observari, ac ita per quoscumque Judices, & Commissarios, etiam ipsius Camera Apostolicæ generalem, ac Palatii Apostolici causarum Auditores, & S.R.E. Cardinales, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiti debere, irritum quoque, & inane, si secus super his a quoquam quavis auctoritate scienter, vel ignoranter contigerit attentari.

Exequutores
hujusce Cõ-
stitutionis de-
putat.

§.6. Quocirca Venerabilibus Fratribus nostris Tusculan., & Albanen. Episcopis, necnon Venerabili Fratri Episcopo Tiburtino per præsentibus mandamus, quatenus ipsi, vel duo, aut unus eorum per se, vel alium, seu alios præsentibus literas, & in eis contenta quæcumque, ubi, & quando opus fuerit, ac quoties pro parte Alphonfi Cardinalis, & ejus Successorum Ostien., & Velletran. Epi-

scoporum fuerint requisiti, solemniter publicantes, sibi in præmissis efficacia defensionis præsidio assistentes, faciant præsentibus literas, & in eis contenta hujusmodi, ab omnibus, quos illa concernunt, inviolabiliter observari, non permittentes eos desuper quomodolibet indebite molestari: contrafactores quoslibet, & rebelles per prædictas, aliasque sententias, censuras, & pœnas Ecclesiasticas, aliasque Juris, & facti remedia, appellatione postposita compescendo, legitimisque super his habentibus, servatis servandis processibus, sententias, censuras, & pœnas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis.

Contraria
tollit.

§.7. Non obstantibus fel. rec. Bonifacii Pape V. similiter Prædecessoris nostri de una, & Concilii generalis de duabus dietis, dummodo quis ultra tres dietas vigore præsentium ad Judicium non trahatur, ac aliis Apostolicis, ac in Provincialibus, & Synodalibus Conciliis editis specialibus, vel generalibus Constitutionibus, & Ordinationibus, necnon quibusvis etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, Indultis, & Literis Apostolicis prædictis Auditoribus, & quibusvis aliis personis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, ac irritantibus, & aliis decretis in genere, vel in specie, & motu proprio, & ex certa scientia, ac alias quomodolibet etiam iteratis vicibus concessis, approbatis, & innovatis, quibus omnibus, & singulis, etiam si de illis, ac totis eorum tenoribus specialis, specifica, individua, & expressa mentio habenda, aut aliqua alia exquisita forma ad hoc servanda esset, tenores hujusmodi, ac si de verbo ad verbum infererentur, præsentibus pro sufficienter expressis habentes, illis alias in suo robore permanentibus, hac vice dumtaxat specialiter, & expresse derogamus, cæterisque contrariis quibuscumque, seu si aliquibus communiter, vel divisim, ab Apostolica sit Sede Indultum, quod interdicti, suspendi, vel excommunicari non possint, per literas Apostolicas non facientes plenam, & expressam, ac de verbo ad verbum de Indulto hujusmodi mentionem.

Datum Romæ apud S. Petrum sub annulo Piscatoris die prima Maii 1591. Pontificatus nostri Anno primo.

Dat. die pri-
ma Maii 1591
An. I.

XIII.

Ex Regest. in Secr. Breve.

Cardinali Gesualdo Episcopo Ostien., & Velletranen. conceditur facultas exercendi Jurisdictionem Ecclesiarum Ostien., & Velletranen. in Romana Curia perinde ac si apud eandem Ecclesias, personaliter resideret.

Venerabili Fratri nostro Alphonso Episcopo Ostien., & Velletran. Cardinali Gesualdo nuncupato.

GREGORIUS PAPA XIV.

Dilecte Fili Salutem, & Apostolicam Benedictionem.

Concessio, de qua in Rubrica.

§.1. CUM tu in alma Urbe Roma apud Nos residendo non tantum Ostien., & Velletran. Ecclesiis invicem, seu alias perpetuo unitis, quibus ex dispensatione Apostolica praesse dignosceris, sed etiam Nobis atque adeo universali Ecclesiae inseruias, ne igitur de Jurisdictionis tuae viribus dubitari unquam contingat, super his, quae per te in dicta Urbe, dum apud Nos resides, expediri contigerit, vel quae jam forsitan expedita reperiantur, providere, & alias commoditatibus tuis consulere volentes; Motu proprio, non ad tuam, vel alterius Nobis per te super hoc oblata petitionis instantiam, sed ex nostra certa scientia, meraque deliberatione, ac de Apostolica potestatis plenitudine, tibi, ut in dicta Urbe, & Romana Curia residendo omnimodam Jurisdictionem, quam in Ostien., & Velletran. Ecclesiis, ac Civitatibus, & Dioecesebus de Jure, vel consuetudine, aut alias ex Indulto Apostolico habes, perinde ac si apud eandem tuas Ecclesias, Civitates, & Dioeceses personaliter resideres, libere, & licite, ac in omnibus, & per omnia per te, vel alium exercere possis, auctoritate Apostolica tenore praesentium concedimus.

Eandem jurisdictionem per Delegatos exerceri permittit.

§.2. Et insuper omnia, & singula per te, sive tuum Auditorem, aliosque per te forsitan deputatos, vel pro tempore deputandos in his, quae ad eandem Jurisdictionem Ostien., & Velletran. Episcopi pertinent, quaeque tam voluntaria, quam contentiosa Jurisdictionis fuerint, & poenitentialis forsitan forsitan acta, gesta, decreta, & mandata, ac quae deinceps fieri, decerni, & mandari contigerit, sententiasque tam interlocutorias, quam diffinitivas, seu diffinitivarum vim habentes in quibuscumque causis tam pendentibus, quam praeteritis, & futuris ferendas, ac etiam jam forsitan latis, rata, & firma, validaque, & efficacia esse, & fore, nec ullo unquam tempore de Jurisdictionis, & potestatis defectu, seu nullitatis vitio impugnari, vel irritari posse volumus, decernimus, & declaramus, eaque omnia ex nunc, prout ex tunc approbamus, & confirmamus, ac eis firmitatis robor adjicimus.

Quatenus Judici, ne se

§.3. Quinimo ad illa exequenda, prout

per te, tuosque Officiales mandatum fuerit, omnes, & quoscumque Judices, & Officiales, Birruarios, Custodes Carcerum, Cursores, mandatarios, & alios Ministros, etiam sub ecclesiasticis censuris cogi, & compelli posse volumus, & mandamus, Nos enim Tibi quoscumque in Curia, & extra eam etiam per Edictum publicum, confito summarie, & extrajudicialiter de non tuto accessu citandi, illisque, ac quibuscumque Judicibus quavis dignitate, & praerogativa Ecclesiastica, vel Saeculari in ipsa Curia praesulgeant, ne erga Subditos Ostien., & Velletran. Episcopi praedicti, nec in causis, quae ad illius omnimodam Jurisdictionem alias pertinent, se intromittant, aut immisceant, sed illos, atque illas ad ejus Jurisdictionem omnino remittant, etiam per simile edictum, ac sub excommunicationis, aliisque ecclesiasticis sententiis, censuris, & poenis etiam pecuniariis arbitrio suo imponen., moderan., & applican., ac contradictores quoslibet, & rebelles per censuras, & poenas hujusmodi appellatione postposita compescendi, cogendique, & compellendi, ac irritum, & inane, quidquid in contrarium per quoscumque factum, seu attentatum, vel fieri, & attentari contigerit, decernendi, prout Nos sic per quoscumque Judices, etiam Caesarum Palatii Apostolici Auditores, & Sanctae Romanae Ecclesiae Cardinales, sublata eis, & eorum cuilibet quavis aliter judicandi, & interpretandi facultate, & auctoritate judicari, & diffiniri debere decernimus, aliaque omnia, & singula in praemissis, & circa ea necessaria, seu quomodolibet opportuna faciendi, dicendi, gerendi, exercendi, & exequendi, plenam, liberam, & omnimodam facultatem, auctoritate, & tenore praedictis concedimus, & impartimur.

Judicis ad Episcopum Ostien. & Velletran. spectantibus immisceat, prohibet.

Potestatem etiam de Beneficiis in Urbe conferendi.

§.4. Et nihilominus, ne etiam de viribus collationum, & provisionum per Te in dicta Urbe de quibusvis Beneficiis in Ostien., & Velletran. Ecclesiis, ac Civitatibus, & Dioecesebus praedictis consistentibus, & ad tuam collationem, provisionem, & quamvis aliam dispositionem pertinentibus pro tempore factarum dubitari, seu quomodolibet haeritari etiam contingat, Tibi, ut ipsas collationes, provisiones, nec non etiam commendas de Regularibus, si quae sint, ac alias qualvis dispositiones hujusmodi in dicta Urbe, ac in propriis tuae solite residentiae personalis adibus data illarum apposta absque eo, quod propterea extra ipsam Urbem, seu aliquam illius Partem te conferre tenearis, ac alias libere, liciteque, & valide possis, indulgemus, ipsasque collationes, provisiones, commendas, & alias dispositiones sic per Te faciendas validas esse, & fore, ac illis, quibus factae fuerint, etiam perinde ac si Tu illas apud dictas Ecclesias tuas residendo fecisses, & alias in omnibus, & per omnia suffragari debere similiter decernimus, & declaramus.

§.5. Non obstantibus praemissis, ac quibusvis Constitutionibus, & Ordinationibus Apostolicis, & Cancellariae Apostolicae regulis,

Derogantur.

gulis, nec non stylo, usu, & consuetudine quibuscumque, privilegiisque quoque, Indultis quibusvis personis, & Judicibus sub quavis forma concessis, ceterisque contrariis quibuscumque.

Datum Romae apud S. Petrum sub Annulo Piscatoris die 1. Maii 1591. Pontificatus nostri An.I.

Dat. die 1. Maii 1591. An.I.

Ex Regest. in Secr. Breve.

Confirmat, innovatque ea, quae in Constitutionibus Societatis Jesu statuuntur circa Novitiorum admissionem, ac Superiorum electiones; & quidquam super his vetat innovari.

XIV.

GREGORIUS PAPA XIV.

Ad perpetuam rei memoriam.

Situs V. nulla statuerat circa Novitiorum admissionem, & Superiorum electionem in Societate contracta.

§.1. Exponi Nobis nuper fecit dilectus filius Claudius Aquaviva Societatis Jesu Praepositus Generalis, quod cum in ipsa Societate juxta illius Institutum Apostolica auctoritate confirmatum, nec Conventus, seu Congregationes generales (nisi ad Praepositum Generalem eligendum, & alias rarissime, & ex causis tantum magni momenti) neque Provinciales, in quibus juxta sel. rec. Sixti PP. V. Praedecessoris nostri priorem de Novitiis admittendis Constitutionem, quae incipit: Cum de omnibus, Novitii ipsi admitti deberent, frequentius, quam singulis triennii cogantur, & cum haec coguntur, duodecim ad summum dies durare, in quibus non de Novitiis admittendis, sed graviora alia juxta Societatis ejusdem Constitutiones tractari debent. Ratio vero deputandi eos, qui Novitios extra Congregationes ipsas juxta posteriorum ejusdem Praedecessoris declarationem admittere possunt, primum quidem valde difficulter, & incommode in praxim deduci possit, praesertim in regionibus Aquilonaribus, & ultra marinis propter magnam Collegiorum distantiam, & saepissime etiam propter itinerum difficultates, bellaque, & alia pericula; Deinde etiam in universum, modus ille minus exactus sit comodo, quam societas ipsa sequitur, cum in illo duo, vel tres Deputati sufficiant, & hoc plures communiter interveniant: Et postremo cum ratio illa decernendi valde differat a modo, quem Societatis Constitutiones, & Apostolica diplomata in deliberationibus faciendis, ac in universa illius gubernatione praescribunt, juxta quem modum Superior auditus in rebus alicujus momenti consultoribus decernit, quod sibi ad majorem Dei gloriam facere videtur. Admissio autem illa per deputatos, cum ad eorum suffragia non consultiva; (ut sunt in Societate) sed decisiva fieri debeat, diversitatem non parvam in Societatem inducit. Quamvis enim in ipsa Societate electiones quaedam primariae ejusmodi sunt Generalis Praepositi, & illius A-

ssistentium in generalibus Congregationibus, in Provincialibus vero tam eorum, qui Generalem eligere, vel generali Congregationi cum Jure suffragii interesse, quam Procuratorum etiam, qui e singulis Provinciis quolibet triennio in Urbem ad Procuratorum Congregationem mittuntur, & ejusmodi quaedam aliae electiones, ac rerum deliberationes, per secreta scrutinia, & decisiva suffragia fiant, in reliquis nihilominus proprius cujusque gradus judicium, & officiorum discretio, ac distributio, juxta Constitutiones eandem, & Apostolica diplomata ipsius Instituti Confirmatoria Pauli PP. Tertii, ac Julii etiam Tertii Praedecessorum nostrorum Romanorum Pontificum tota est in ipsius Praepositi Generalis manu, unde reliquae omnes Superiorum electiones, rerumque, ac negotiorum alicujus momenti determinationes, ab ipso Generali Praeposito acceptis in rebus majoris momenti, ex provinciis ipsis, informationibus, & auditis Assistentibus communiter fiunt, sicut & Provinciales ipsi in suis Provinciis, ac locales Superiores in suis locis auditis similiter eorum Consultoribus gubernant, atque de rebus ad eos attentantibus decernunt. Quare Nobis humiliter supplicari fecit dictus Claudius, quatenus statui, & indemnitate dictae Societatis consulentes in praemissis opportune providere de benignitate Apostolica dignaremur.

§.2. Nos igitur, qui Societatem praedictam propter ejus in Ecclesia Dei uberes fructus sinceris semper amplexi sumus affectibus, atque, ut uberiores in dies proferre valeat, integram, & intactam illi sui Instituti, ac gubernandi rationem servari cupimus, praedictum Claudium specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine, quavis occasione, vel causa latis, si quibus quomodolibet innodatus existit ad effectum praesentium dumtaxat consequendum harum serie absolventes, & absolutum fore censentes, hujusmodi supplicationibus inclinati, praemissa omnia, & singula, tam ad Societatis Superiorum quorundam electiones, quam ad gubernandi, & de rebus decernendi rationem juxta ipsius Societatis Constitutiones, vel etiam ad ipsum Societatis Institutum, & Constitutiones quomodolibet pertinentia Apostolica auctoritate approbamus, & confirmamus, & pro potiori cautela Societati praedictae, ut ex nunc deinceps perpetuis futuris temporibus, tam in Novitiis, etiam cujusvis generis illegitimis, admittendis, & in dispensationibus ad gradus, dignitates, & officia quaecumque in Societate habenda, & retinenda, eisdem Novitiis concedenda, quam in Superiorum quorumvis electionibus faciendis, necnon in gubernandi, ac de rebus consulendi, & decernendi modo formam, & rationem omnimodam in illius Apostolicis diplomatibus, Constitutionibus,

Gregorius renovat, quae in Statutis Societatis statuuntur.